


Ishpi Gikino-amaadiiwiigwaam nigika gnowaabmdamang


Owi e'nankii'aang

Ndo mazini'igan kaanaanig minwaa ndo naaknaanaanig e'kinomaagejig enkiitaagejig kina bemaadzijig debamwaad gikino amaadiiwaagwaaman miinwaa aanin njike debenjigaadegin gikino amaadiiwiigwaaman maampii Ontario.



Aaniish enji Yaa-aang

Ndo nakiitaanaa miinwaa gnowendaanaa bemaadzijig ado dibiniweziwin. Ndo gagwekwendaanaa gewe e'waankiiwendaagozjijig, gekendaasojig miinwaa mina gshkitoojig ekinomaagejig mazini'agan kaagaazijig ekinomowaad gdo binoojiinman.



Aaniish ezhi zhichige-aang maanda



Ndo mazini'agan kaanaa ekinomaagejig
Gewe goweta Ontario Mazini'agan kaazijig Ekinomaagejig (OCTs) adaa gikinomaagewog zhiwe bemaadzijig debamiwaad gikino amaadiiwiigwaaman. Mazini-agan kaazijig ekinomaagejig abi njibaawog kina miziwe kiing miinwaa naagdonaawaan miinwaa naagzowaabmidaanaa'aan ishpi inanokiiwin dibizhiganan.



Ndo miigwena gikinowizhiwin gewe e'kinomaagejig
Owi nikii-aa ndo inanokiiwin giikmigejig, ndo miigwena giikmigewin e'naadmaagwaad waajii-egjig aasgaabwitwaawaad e'gikinomowaa-aad newen zengendaagwog dibishko gonaa aakwaadiziwin miinwaa inendamowin mina yaawin.



Ndo aasgaabwitwaanaa gikinomaageng nagajiiwin
Ndo naadmaagemi awii giizhiitaawingid gikinomaagejig owi gikino amaadii aajikanigan miinwaa miigwe-aan ado aabaji skonwiwin. Miinwaa age ndo minwaabm'daanaanin ekinomaaged gikino amaadiwinan.



Ndo wiiji nakiimaanaanig gewe e'niigaan dagoyaaajig
Ndo maamowi naakiitwaanaa gimaa gamig awii zhichigaadeg naagjigewinan miinwaa naaknigewinan woshme weweni ganawenimingid ekinomaagaazijig.



Ndo nondaanaanig gdo zngendamowinan
Ndo daapinaanaa gdo zngendamowinwaan owi onji inanokiiwin maji zhichigeng miinwaa ndo naawisidonaanin. Ndo miigwenaanin bashazhwinan gewe e'naagdosiwaad ado inanokiiwin e'nendaagwok miinwaa ndo wiindamaagemi ndo bashazhiwinan.



E'nishing Nikaaziwinan gewe e'Gitziingejig

1. Mikw Gikinoomaaged:

Ontario e' Mazini'agan Kaagaazijig Gikinoomaagejig weweni negijitoojig. Gnowaabmdan ado maziniginan awii maajitaawin gnondiwin gdo binoojiinim gikino amaaged. (oct-oeeo.ca/findateacher)

2. Gdaa Wiikamaa awaa Giigidad:

Ndowaanaanig negiji tojig age abi giigidowaapaa miinwaa awii nkwehkdadaadwaad gikino amaadiiwaagwaam giigidoninwog owi ezhi gnwenimingwaa e'kinomaagaazijig. (oct-oeeo.ca/speaker)

3. Boozibiigen owi The Standard:

Ndo ensa nisiwi giizis dibjaaimowin mazinigan zhibiigaade makwenjigaaziwaad e'gitziingejig. Dagoyaan ndo nakiwiininaa miinwaa newen e'aanjisemigag zhiwe gikinomaage naaknigewin. (oct-oeeo.ca/thestandard)

4. Ensa Biboon Dibaajimowin:

Woshme debnan nisastamowin ezhi naanknigaadeg owi inanokiiwin miinwaa newen gikinomaagejig dibizhiganan ezhi zhichigaadeg. (oct-oeeo.ca/annualreport)

5. Inanokiiwin Giikmigewinan:

Gikinoomaagejig ado penmandaanaa ndo inanokiiwin giikmigewin awaa gagwekwendamowaad pane nikaaziwaad memaanji nishin inaaknigewaad. (oct-oeeo.ca/professionaladvisories)

6. Kina Bemaadzijig Dibaajimowinan:

Dazhinjigaadeg gego e'nowendaagwog owi Ishpi Gikino Amaadiiwiigwaam odi bezhig enza nisiwi giizis Giigidoninwog nkwehkdadaadwaad maage odi ngoding biboon nkwehkdadaadwin. (oct-oeeo.ca/present)

7. Inanokiiwin Dibaajimowin:

Ndo mazinaakozigananaa agaa bakinaagemgag temigadoon zhibiiganan owi e'nishin gikinomaageng zhichigewinan miinwaa dibaajimindwaa e'minadeweji gikinomaagejig. (oct-oeeo.ca/magazine)

8. oct.ca:

Gdaa mkaan Ishpi Gikino amaadiiwiigwaam dibaajimowin, waasamo biwaabkoons enkamigag dibaajimowin, gikinomaagejig nendowendaagwog, mazinaatesijigan, enkamigag bagidinigaadeg, bishazhegewin giizhendawinan miinwaa woshme gego zhiwe ndo waasamo-asabi mazina-igan.



Gnanwenjigaaziwaad Ekinomaagaazijig

Gaawii gego woshme gichi piitendaagosinaa dash gdo binoojinminaanig niigaan bimaadiziwinwaa. Ontario endaaajig adaa mina nendamog owi mina yaawin miinwaa ganowendaagoziwaad Ontario ekinomaagaazijig gdo niigaanendamowininaa.

Gnowaabmdan oct-oeeo.ca/public woshme gego awii gikendaman.



Giishpin gego zngendamowin yaaman

Owi Ishpi Gikino Amaadiiwiigwaam ada nondaanan gdo zngendamowinan owi onji inanokiiwin maanaajidodamowin, nondeziwin maage bwaanwitowin gewe Ishpi Gikino Amaadiiwiigwaam waajii-egjig. Giishpin yaaman zngendamowin owa ekinomaaged, temgad agwa age zhichigemba.

1. Gagwejiton awii naawisidowin owi zngendamowin ntaam ginonad owa ekinomaaged, miidash miinwaa naagaanzid gikino amaadiiwiigwam, maage bemaaknigeji owi gikino amaadiiwiigwaam.

2. Giishpin naawisijigewin bwaa gshkichigaadeg, gdaa ginonaag Ishpi Gikino Amaadiiwiigwaam. Gnowaabmdan ndo mazinaatesing asabi biwaabik moshkinebiigan odi oct-oeeo.ca/submitcomplaint.

3. Gaagiimidowinan e'nenjigaadegin gaawii wanishkwewan maage migoshkaachigemigag ndakenjigaadenon miinwaa naanaagidowenjigaadenon owi maamowi nimadibijig, e'giizhendawinaad endagwen aji niindaawengiba bemaadzijig bazindaajigewin.

Giikinigaadeg Ekinomaaged Gikendaasowin

Miinwaa age aanke Mazini'agankaaziwaad kina Ontario Gikinomaagejig, owi Ishpi Gikino-amaadiiwaagwaam aga ado mazina'igan'kaanaa-aan gikinomaage zhichigewinan kina maampii kiinsing. Ndo gagwekwendaanaa kina gikinomaage zhichigewinan maampii Ontario naagidonaa-aa naagjigewinan miinwaa nankiiwin dibizhigewinan miinwaa naagjigewinan.

Ndo aanji gnowaabmdaanaa miinwaa ndo minwaamdaanaa Aanke Gikendaasowin gikinomaadiwinan owi aabajibdeg ekinomaaged gikendamowin.

Nsidwaambjigaadeg zhichigewinan, mazini'agankaaziwaad ekinomaagejig miinwaa miigweng owi aabaji inanokiiwin gikendamowin naadmaagemgad awii gagwekwenjigaadeg Ontario ekinomaagaazijig debinamwaad memaanji nishing gikendaasowin gewe goweta e'mazini'agankaazijig ekinomaagejig.

Nda Gikendan Epiichi Ishpi Gikendaasad gdo bonoojiinim ekinomaagijin

Ndo kina bemaadizijig zhibiigan, Ndowaabam Gikonomaaged, gdaa waabandagon:

- Wegnesh Izhi Gikinoo-amaagewin gdo binoojiinim ekinomaagwad ezhi gikendaasad awii gikinoomaaged.
- Aanke Gikendaasowin (AQ) gikinomaagewinan agaa daapinang awii aankesidod gikinoo-amaagewin gikendamowin maage awii giiksidowaad ado gikino amaadii aajikanigan nagajitowin.
- Aaniish apii gdo binoojiinim ekinomaagijin agaa mazini'agan kaagaazad.

Gnowejiged, Minaadenjiged, Penmandiwind miinwaa Gagwekaadizid

Amii ninda naagijigewinan dabizhigewinan e'kinwaamdamaad Ontario Mazini'agan kaazijig Ekinomaagejig.

Aaniish maanda e'damoomigag giin, aawiyin e'gitziinged?

Amii maanda edamomigag gdaa waankiiwendam owa gdo binoojiinim ekinomaagod nibwaakaa, gdo binoojiinim e'kinomaagod penmandwaa miinwaa

Woshme gikendamowin:
Ontario Ishpi Gikino
Amaadiiwigwaam gewe
e'Kinomaagejig (Ontario College of Teachers)
101 Bloor St. West
Toronto ON M5S 0A1

Giigido Biiwaabikons: 416.961.8800
Mazinaatesjigaadeg zhibiigan:
416.961.8822
Wenpash giigido biiwaabikons
maampii Ontario: 1.888.534.2222
Waasamo Biiwaabikons Zhibiigan:
info@oct.ca
oct.ca



oct-oeeo.ca/fb



oct-oeeo.ca/pi



oct-oeeo.ca/tw



oct-oeeo.ca/yt



oct-oeeo.ca/ig



oct-oeeo.ca/li



Setting the
Standard for
Great Teaching

Cette publication est également disponible en français sous le titre de *Les élèves de l'Ontario et nous.*



Ontario
College of
Teachers

Ordre des enseignantes
et des enseignants
de l'Ontario

Aaniish ezhi aasgaabwitamongid Ontario e'kinomaagaazijig

